



For di tempo cu mi tabata tin 4 aña di edad, mi a cuminsa den Carnaval como mascota di grupo di Calvin Asang na Lago Heights y mi a keda cu Carnaval te cu awe.

E columna di POPO mi a cuminsé na aña 1977, tabata e promé columna di Carnaval den corantnan, Popo ta e imagen di payaso ya cu mi tabata haci hopi humor den e columna cu relatonan y informacion, ademas mi a mantene e columna activo nos stop te awe como "Popo ta informa"

Ami ta miembro di FECC esaki ta un federacion cu awe ta ser considera Federacion Mundial di Ciudadnan(paisnan) di Carnaval, ya cu e tin miembronan afilia rond di mundo. E ta mas bien pa su nomber, Federacion di Carnaval di Ciudadnan Europeo, pero pa motibo cu mayoria di miembronan ta di ciudadnan y paisnan europeo, no ta cambia esaki.

Tur aña tin un convencion den un di e paisnan miembro y ta delibera riba tur aspectonan di Carnaval rond mundo, desaroyo di Carnaval, cambianan cu a tuma lugar of cu lo mester tuma lugar, etc.

E miembronan di Aruba ta: Tecla Kelly, Marcia Koolman, Juby Naar, Reymundo Kelly, Modesto Ruiz y Milo Croes, cu ta presenta na e convencionnan y tambe ta miembro Bibi Arends y Francisco Celaire.

Aruba su Carnaval ta forma parti di Aruba su cultura pasobra manera mayoria di paisnan cu Carnaval, Aruba a adopta e festividad aki basa riba e festividad europeo y di Trinidad. E festividad aki a bira parti di e costumber y tradicion di arubianonan ultimo 60 aña, y nan no lo pensa cu e lo yega na un final un dia.

Apesar cu e la wordo adopta y no a bini for di idologianan religioso manera na hopi pais, e carnaval a bira un festival di pueblo cu awe por papia di nos cultura di carnaval. Carnaval no ta un espectáculo cu ta ser mira so pa hende, pero hende ta biba pe, biba cu ne pasobra e ta envolvi tur hende. Su unico ley ta ley di "Expresion liber".

Pa e aña aki mi participacion den Carnaval ta kibra cabez cu proclamacion, cu huradonan, intervencionan manera costumber den e actividadnan musical, tumba, calypso y roadmarch. Mi tareanan ta di promocion, estimulacion, educacion y informacion.



"Hi, I am Charles..."

Dog Lovers Grooming

Service N.V.

- Tratamento contra sarna
- Baño contra carpata
- Baño di crema
- Corta huña
- Blow
- Limpia horea
- Los lana na conopi



"Mi nomber ta Missy..."

Phone 587-0387 / Cel 592-9673 / Moko 56-C